



REPUBLIKA E SHQIPËRISË  
Këshilli i Ministrave

V E N D I M

Nr. 412, datë 26.5.2010

P Ë R

**DISA SHITESA DHE NDRYSHIME NË KONTRATËN  
E KONCESIONIT, TË FORMES "BOT" (NDËRTIM, OPERIM,  
TRANSFERIM), TË LIDHUR NDËRMJET MINISTRISË  
SË EKONOMISË, TREGTISË DHE ENERGJETIKËS  
DHE SHOQËRISË "BUSA", SH.P.K., PËR NDËRTIMIN  
E HIDROCENTRALEVE "STRELCA 1", "STRELCA 2"  
DHE "STRELCA 3"**

Në mbështetje të nenit 100 të Kushtetutës dhe të neneve 21, pika 4, c  
27, të ligjit nr.9663, datë 18.12.2006, "Për koncesionet", të ndryshuar,  
me propozimin e ministrit të Ekonomisë, Tregtisë dhe Energjetikës,  
Këshilli i Ministrave

V E N D O S I:


1. Miratimin e disa shtesave dhe ndryshimeve në kontratën e koncesionit, të formës "BOT" (Ndërtim, Operim dhe Transferim), të lidhur ndërmjet Ministrisë së Ekonomisë, Tregtisë dhe Energjetikës dhe shoqërisë "Busa", sh.p.k., për ndërtimin e hidrocentraleve "Strelca 1", "Strelca 2" dhe "Strelca 3", të miratuar me vendimin nr.718, datë 14.5.2008, të Këshillit të

Ministrave, sipas tekstit dhe anekseve, që i bashkëlidhen këtij vendimi.

2. Ngarkohet Ministria e Ekonomisë, Tregtisë dhe Energjetikës për zbatimin e këtij vendimi.

Ky vendim hyn në fuqi pas botimit në "Fletoren zyrtare".


KRYEMINISTRI



SALI BERISHA

MINISTRI I EKONOMISË,  
TREGTISË DHE ENERGJETIKËS

DRITAN PRIFTI




NR.PROT.1921/1  
DATË 9.6.2010

PRESIDENCËS  
MINISTRISË SË EKONOMISË, TREGTISË DHE  
ENERGJETIKËS  
MINISTRISË SË FINANCAVE  
MINISTRISË SË DREJTËSISË  
MINISTRISË SË BUJQËSISË, USHQIMIT DHE  
MBROJTJES SË KONSUMATORIT  
MINISTRISË SË MJEDISIT, PYJEVE DHE  
ADMINISTRIMIT TË UJËRAVE  
QENDRËS SË PUBLIKIMEVE ZYRTARE

Gjergj LEZHJA

Sekretar i Përgjithshëm

A handwritten signature in black ink is written over a large, faint oval stamp. To the right of the signature is a rectangular official stamp with some illegible text and a central emblem.

## MARRVESHJE

### PËR

**DISA SHTESA DHE NDRYSHIME NË KONTRATËN E KONCESIONIT TË FORMËS “BOT” (NDËRTIM, OPERIM, TRANSFERIM), TË LIDHUR NDËRMJET MINISTRISË SË EKONOMISË, TREGTISË DHE ENERGETIKËS DHE SHOQËRISË “BUSA” SHPK, PËR NDËRTIMIN E HIDROCENTRALEVE “STRELCA 1”, “STRELCA 2” DHE “STRELCA 3”, TË MIRATUAR ME VKM NR.718, DATE 14.5.2008.**

Në Tiranë, sot me datë \_\_\_\_\_ 2010, palët:

Ministria e Ekonomisë, Tregtisë dhe Energjetikës, përcaktuar si “Autoritet Kontraktues” me Vendimin e Këshillit të Ministrave nr. 128, datë 14.08.2007, “Për përcaktimin e Autoritetit Kontraktues për dhënien me koncension të hidrocentraleve “Strelca 1”, “Strelca 2” dhe “Strelca 3”, dhe miratimin e bonusit në procedurën përzgjedhëse konkurruese që i jepet shoqërisë” dhe përfaqësuar nga Titullari z.Dritan Prifti, i datëlindjes \_\_\_/\_\_\_/\_\_\_\_\_, madhor dhe me zotësi juridike për të vepruar, për identitetin e të cilit u sigurova nga Pasaporta nr. \_\_\_\_\_.

### DHE

Shoqëria “Busa” sh.p.k, me seli në rrugën “Gjergj Fishta” Tiranë, regjistruar si person juridik me Vendim nr.33476, datë 9.05.2005, të Gjykatës së Rrethit Tiranë; regjistruar në organin tatimor me Nipt nr.K51912007W, datë 12.07.2005, që më poshtë do të quhet “Koncensionari”, me administrator z.Mane Bulluti, i cili me prokurë nr.1280 Rep, nr.373 Kol datë 22.02.2007, i jep të drejtën për të nënshkruar këtë marrveshje Z. Bujar ÇETA , i datëlindjes \_\_\_\_\_, për identitetin e të cilit u sigurova nga pashaporta \_\_\_\_\_, madhor dhe me zotësi të plotë juridike për të vepruar, bien dakort si më poshtë:

Të lidhë këtë marrveshje, për disa shtesa dhe ndryshime në kontratën e koncensionit të formës BOT, të lidhur ndërmjet Ministrisë së Ekonomisë, Tregtisë dhe Energjetikës dhe Shoqërisë “Busa” sh.p.k, për ndërtimin e hidrocentraleve “Strelca 1”, “Strelca 2” dhe “Strelca 3”, të miratuar me VKM nr.718, datë 14.5.2008.

Palët bien dakort për këto shtesa dhe ndryshime të kontratës së koncensionit:

### Neni 1

Në kontratën bazë të koncensionit, të miratuar me VKM nr. 718, datë 14.5.2008:

- Kudo ku është shprehur “...hidrocentralet/eve “Strelca 1”, “Strelca 2” dhe “Strelca 3”, zëvendësohen me “...hidrocentralet/eve “Strelca 1” dhe “Strelca 3”.

## Neni 2

Në nenin 1 "Përkufizime":

- Në pikën 1.5 fjalët "...me fuqi të instaluar të përgjithshme 8,300 kW dhe prodhim të energjisë elektrike rreth 37,653,492 kWh" zëvendësohen me fjalët "...me fuqi të instaluar të përgjithshme 4,100 kW dhe prodhim të energjisë elektrike rreth 14,700,000 kWh".

## Neni 3

Neni 3, zëvendësohet si më poshtë:

### "Neni 3"

#### Karakteristikat e hidrocentraleve "Strelca 1" dhe "Strelca 3"

Hidrocentrali "Strelca 1" do të ndërtohet në rrjedhën e përroit të Beleshit, në rrethin Korçë, me këto karakteristika:

- Kuotat e veprave
    - o Kuota e veprës së marrjes 1,519 m
    - o Kuota e godinës së centralit 1,223 m
  - Prurja llogaritëse 0.74 m/sek
  - Fuqia e Instaluar 1,900 kW
  - Prodhimi vjetor i energjisë elektrike 6,800,000 kWh
  - Vepra e marrjes në rrjedhën e përroit Verba, në rrethin Korçë, do të ketë këto karakteristika:
    - o Kuota e veprës së marrjes 1,543 m
- Uji do të dërgohet me tubacionin në liqenin e Strelca 1

Hidrocentrali "Strelca 3" do të ndërtohet në rrjedhën e përrenjve të Beleshit dhe të Verbës, në rrethin Korçë, me këto karakteristika:

- Kuotat e veprave
  - o Kuota e veprës së marrjes 1,218 m
  - o Kuota e godinës së centralit 810 m
- Prurja llogaritëse 0.68 m/sek
- Fuqia e Instaluar 2,200 kW
- Prodhimi vjetor i energjisë elektrike 7,900,006 kWh

## Neni 4

Në nenin 7, pika 3, shprehja "...në përputhje me propozimin për të cilin është shpallur fitues në procedurën e garës." hiqet.

## Neni 5

Në nenin 8 bëhen këto ndryshime:

Pika 2. zëvendësohet me “të paraqesë pranë Autoritetit Kontraktues për miratim projektin e zbatimit, brenda 6 muajve nga dita e hyrjes në fuqi të kësaj marrëveshje”.

Në pikën 6, fjalët “...me fuqi të vendosur jo më pak se 8,300 kW” zëvendësohen me “...me fuqi të vendosur jo më pak se 4,100 kW”

## Neni 6

Neni 9 “Vlerësimi i Investimeve” zëvendësohet si më poshtë:

Mbi bazën e të dhënave të projektit, investimet që duhet të kryhen nga koncensionari janë në vlerën totale prej 601,751,000 (gjashtëqindnjë milion e shtatëqindpesëdhjetënjëmijë) lekë, sipas Aneksit nr. 1 bashkëlidhur, nga të cilat 133,723,000 (njëqindetridhjetetremilion e shtatëqindnjëzetetremijë) lekë do të investohen në makineri e pajisje.

Vlerësimi i mësipërm mund të pësojë ndryshime të mundshme, me marrëveshje ndërmjet palëve:

- pas variantit përfundimtar të projektzbatimit i cili mund të përmiresohet por duke ruajtur të pandryshuar kuotat/termat e percaktuara në këtë marrëveshje.
- në çdo kohë gjatë zbatimit të projektit në ndërtimin e veprës;

Vlera e ndryshuar e investimit mund të jetë më e madhe se 601,751,000 (gjashtëqindnjë milion e shtatëqindpesëdhjetënjëmijë) lekë, por jo më e vogël se 571,663,450 (pesëqindeshtatëdhjetënjë milion e gjashtëqindgjashtëdhjetetremijë e katërqindpesëdhjetë) lekë, që përfaqëson një ndryshim të investimit në vlerën 5% (pesë për qind) të investimit total të parashikuar.

## Neni 7

Neni 10. pika 2 zëvendësohet me “2. Koncensionari merr përsipër të vërë në punë hidrocentralin brenda 36 muajve nga hyrja në fuqi e kësaj marrëveshje sipas aneksit nr.1 bashkëlidhur”.

## Neni 8

Në nenin 14 “Sigurimi i kontratës”, në paragrafin e parë, shprehja “...një shumë prej 108,400,000 (njëqindetetremilion e katërqindmijë) lekë ...” zëvendësohet me “...një shumë prej 60,175,100 (gjashtëdhjetënjëmijë e njëqindeshtatëdhjetepesënjëmijë e njëqind) lekë ...”

## Neni 9

Në nenin 23 “Sanksionet” bëhen këto ndryshime:

Në pikën 1.b. fjala "...në konkurim..." zëvendësohet me "...në këtë marrveshje...".

Në pikën 2. fjalët "...në këtë kontratë..." zëvendësohen me "...në këtë marrveshje...".

Në pikën 2.a, fjalët "...të prodhimit të energjisë elektrike prej 37,653,492 kWh/vit..." zëvendësohen me "...të prodhimit të energjisë elektrike prej 14,700,000 kWh/vit...".

Në pikën 2.b, fjalët "...sipas projektit të propozuar..." zëvendësohen me "...sipas kësaj marrveshje...".

### Neni 10

Ndryshimet dhe shtesat e përcaktuara në këtë marrveshje hyjnë në fuqi me nënshkrimin e saj nga palët dhe pas miratimit nga Këshilli i Ministrave të Republikës së Shqipërisë.

Nenet e tjera të kontratës bazë nuk kanë ndryshuar.

Kjo marrveshje u hartua në 6 (gjashtë) kopje dhe pasi ju lexua palëve, të cilët e kuptuan dhe e pranuan atë, e nënshkruan me vullnet të lirë e të plotë, dhe unë noterja e vërtetoj atë rregullisht sipas ligjit.

### PALËT

#### AUTORITETI KONTRAKTUES

Ministria e Ekonomisë, Tregtisë  
dhe Energjetikës

Përfaqësuar nga :

z. Dritan ~~PRIFTI~~

#### KONCESIONARI

Shoqëria  
« BUSA » sh.p.k

Përfaqësuar nga :